


清會典 八十二下二

禮部二十九下六





漢書
九〇八號

漢書門			
九〇八	函	架	冊
一〇二	二	一	〇
一六〇	〇	〇	〇

內閣文庫			
九〇八	函	架	冊
一〇二	二	一	〇
二九五	〇	〇	〇

內閣文庫			
番號	漢	908	
冊數	160(49)		
函號	295	10	





躬禱

郊壇儀

順治十四年四月。

世祖章皇帝以亢旱。

躬詣

園丘祈禱雨澤前期。

世祖章皇帝致齋三日。王以下陪祀文武各官。各致齋

三日。令官民人等俱衣淺淡色服。禁屠宰。各衙

門不理刑名。至期質明。

世祖章皇帝御青服。詣

大清會典 卷八十一
壇。不陪祀。各官不迎送。不設鹵簿。不除道。不奏樂。不設配位。不奠玉。不飲福。受胙。各遣官致祭。

方澤。

社稷壇。

神祇壇。未還。

宮。大雨。○次三日。以甘霖大霈。遣大臣各一員。於

園丘。

方澤。

社稷壇。行告謝禮。

神祇壇。遣禮部堂上官一員。行禮。○十七年五月。

世祖章皇帝以亢旱日久。竭誠祈禱。不除道。不設鹵簿。

先期。步至

天壇。卽於

壇中齋宿三日。至期。子時。致祭。

上帝。一應禮儀。俱與十四年同。○康熙十年四月。

聖祖仁皇帝以亢暘不雨。

躬詣

天壇禱祀。前期。致齋三日。陪祀王以下各官。照常齋戒。

前期一日。

聖祖仁皇帝御青服。陞中和殿。閱祝文。如常儀。至期。

聖祖仁皇帝御青服。詣

壇致祭。供獻行禮。俱與順治十四年同。○繼以甘霖沾足。告謝各

壇。禮儀與順治十四年同。○二十六年五月。

諭京師爲天下根本之地。乃幾月不雨。朕甚憂之。欲躬行祈禱。大小臣工。宜盡誠齋戒。毋循故事。二十日。

聖祖仁皇帝躬詣

天壇致祭。前期三日。齋戒。不理事。是日。

聖祖仁皇帝素服。乘馬。詣

天壇。自

西天門下馬。步行至

壇。致祭行禮。俱與十年同。祭畢。仍步行出

西天門。

回鑾時。甘霖立降。雨氣帶旃檀香。

順治十四年。題定儀注。

前期。內院官恭撰祝文。禮部。太常寺官。預設酒果香燈祝帛。并熟牛脯醢於

圓丘壇上。

皇帝入昭亨左門。王以下。公以上。隨後入。文武各官分翼排立。典儀唱執事。官各司其事。贊引官奏

就位。

皇帝就拜位立。典儀唱迎

帝神。贊引官奏陞

壇。

皇帝詣

上帝香案前立。贊引官奏跪。

皇帝跪。奏上香。司香官捧香盒跪進於

皇帝左。

皇帝舉炷香上爐內。又三上瓣香。畢。贊引官奏旋位。

皇帝旋位立。贊引官奏跪。叩。興。傳贊官贊眾官俱跪。叩。興。

皇帝行三跪九叩頭禮。興。王以下各官俱隨行禮。興。
典儀唱奠帛。行初獻禮。贊引官奏陞

壇。

皇帝詣

上帝位前立。奏奠帛。捧帛官跪進於

皇帝右。

皇帝受帛。拱舉。授獻帛官。獻於案上。奏獻爵。捧爵官

跪進於

皇帝右。

皇帝受爵。拱舉。授獻爵官。獻於案上正中。贊引官奏

詣讀祝位。讀祝官於祝案前一跪三叩頭。捧祝版。預跪於案左。

皇帝詣讀祝位立。贊引官奏跪。

皇帝跪。傳贊官贊衆官俱跪。贊引官贊讀祝。讀祝官讀畢。捧祝

文跪。安於

上帝位前帛匣上。一跪三叩頭。退。贊引官奏叩。興。

皇帝行三叩頭禮。興。王以下各官俱隨行禮。興。贊引

官奏旋位。

皇帝旋位立。典儀唱行亞獻禮。贊引官奏陞

壇。

皇帝詣

上帝位前立。奏跪。

皇帝跪。捧爵官跪進於

皇帝右。奏獻爵。

皇帝受爵。拱舉。授獻爵官。獻於案左。贊引官奏旋位。

皇帝旋位立。典儀唱行終獻禮。與亞獻禮同。獻爵官

獻於案右。贊引官贊旋位。

皇帝旋位立。典儀唱送

帝神。贊引官奏跪。叩。興。傳贊官贊衆官俱跪。叩。興。

皇帝行三跪九叩頭禮。興。王以下各官俱隨行禮。興。

典儀唱捧祝。帛詣燎位。恭導

皇帝轉立拜位東旁。捧祝。帛官各至

上帝位前。一跪三叩頭。捧起祝。帛送至燎位。

皇帝還位立。贊引官奏詣望燎位。

皇帝詣望燎位立。視。帛焚半。贊引官奏禮畢。

皇帝乘輿回宮。

大享殿合祀儀

順治十七年四月。

世祖章皇帝合祀

天。

地。

百神於

大享殿。

凡禮儀俱順治年間題定。嗣後未經復行。今將原題開列於後。

一。前期二十日。遣官告祭

大享殿。

一。前期五日。

皇帝親詣犧牲所視牲。如常儀。

一。前期三日。禮部。太常寺官。進齋戒牌銅人。如常儀。

皇帝在內致齋二日。詣

壇齋宿一日。陪祀王以下各官。照常齋戒。仍隨

駕赴

壇齋宿。

一。前期二日。禮部。太常寺。具題請遣分獻官十

二員。讀祝官一員。

一。前期二日。遣禮部官省牲。如常儀。

一。祝文由內閣撰發。禮部用青紙糊版。硃書。仍

送內閣恭填

御名。

一。前期一日。禮部。太常寺官。設黃案一於

太和殿正中。奏請

皇帝陞殿。

視祝版玉帛香。如常儀。

一。前期一日。禮部。都察院。太常寺。光祿寺官。俱

朝服。上香。監宰牲。并瘞毛血。

一。前期一日。遣官七員。祭告。

園丘。

芳澤。

太廟。

朝日壇。

夕月壇。

太歲壇。

歷代帝王廟。供獻行禮。不作樂。

一。

殿內安設。

皇天上帝神牌正中左設南向。

后土皇地祇神牌正中右設南向。

太祖高皇帝神牌東設西向。

太宗文皇帝神牌西設東向。

一。

殿外安設。

大明神牌。東一壇西向。

夜明神牌。西一壇東向。

星辰神牌。東二壇西向。

雲雨風雷神牌。西二壇東向。

五嶽啓運山神牌。東三壇西向。

五鎮天柱山隆業山神牌。西三壇東向。

四海神牌。東四壇西向。

四瀆神牌。西四壇東向。

一太歲神牌。東五壇西向。

歷代帝王神牌。西五壇東向。

天下山川神牌。東六壇西向。

天下神祇神牌。西六壇東向。俱於幄次陳設。

一。

殿內陳設供品。

上帝正位前。與

祈穀壇同。

地祇正位前。與

方澤壇同。

太祖高皇帝配位

太宗文皇帝配位前。俱與

祈穀壇配位同。

一。

殿外陳設供品。

大明神位

夜明神位

星辰神位

雲雨風雷神位前。俱與

圓丘從壇同。

五嶽啓運山神位

五鎮天柱山隆業山神位

四海神位

四瀆神位前。俱與

方澤從壇同。

太歲神位前。與

太歲壇同。

歷代帝王神位前。與

歷代帝王廟同。

天下山川神位

天下神祇神位前。俱與

太歲壇同。

一。正祭日早。

皇帝由齋宮入

內壇西門。至鋪棕薦處。降輦。太常寺贊引官對引官恭

導

皇帝詣幄次。盥手。更衣。畢。

皇帝進

大享東旁門。鴻臚寺官引王以下。公以上。隨後入。陪祀

文武各官。於甌門西旁門入。排班立。贊引官恭

導

皇帝陞東階。入

殿內。就拜位前立。王以下。公以上。在階上序立。各官在

階下序立。典儀唱樂。舞生就位。執事官各司其

事。武舞生執贊引官奏就位。

皇帝就拜位立。典儀唱燔柴。瘞毛血。迎

帝神。協律郎唱舉迎

帝神樂。奏元和之章。樂作。贊引官奏陞

壇。

皇帝詣

上帝香案前立。司香官捧香盒跪進於

皇帝右。贊引官奏跪。

皇帝跪。奏上香。

皇帝舉炷香上爐內。又三上瓣香。畢。典贊引官恭導

皇帝詣

皇地祇香案前立。司香官捧香盒。跪進於

皇帝左。贊引官奏跪。

皇帝跪。上香。如前儀。贊引官恭導

皇帝詣

太祖高皇帝香案前立。司香官捧香盒。跪進於

皇帝右。贊引官奏跪。

皇帝跪。上香。如前儀。贊引官恭導

皇帝詣

太宗文皇帝香案前立。司香官捧香盒。跪進於

皇帝左。贊引官奏跪。

皇帝跪。上香。如前儀。贊引官奏旋位。

皇帝旋位立。分獻官於各

神位前跪。上香。畢。興。俱復位。樂止。贊引官奏跪。叩。興。

傳贊官贊衆
官俱跪。叩。興。樂作。

皇帝行三跪九叩頭禮。興。陪祀王以下各官。俱隨行

禮。興。典儀唱奠玉帛。協律郎唱舉奠玉帛樂。奏

景和之章。樂作。贊引官奏陞

壇。

皇帝詣

上帝位前立。捧玉帛官跪進於

皇帝右。贊引官奏跪。

皇帝跪。奏奠玉帛。

皇帝受玉帛。拱舉。授玉帛。獻於案上。贊引官恭導

皇帝詣

皇地祇位前立。捧玉帛官跪進於

皇帝左。贊引官奏跪。

皇帝跪。奠玉帛。如前儀。贊引官恭導

皇帝詣

太祖高皇帝位前立。捧帛官跪進於

皇帝右。贊引官奏跪。

皇帝跪。奏奠帛。

皇帝受帛。拱舉。授帛。獻於案上。贊引官恭導

皇帝詣

太宗文皇帝位前立。捧帛官跪進於

皇帝左。贊引官奏跪。

皇帝跪。奠帛。如前儀。畢。興。贊引官奏旋位。

皇帝旋位立。樂止。典儀唱進俎。贊引官恭導

皇帝轉立拜位東旁。進俎官率厨役。舉胙牛。由中路

次第進於

上帝位前。

皇地祇位前。

太祖高皇帝位前。

太宗文皇帝位前。陳設畢。各退。

皇帝還位立。協律郎唱舉進俎樂。奏肅和之章。樂作。

贊引官奏陞。

壇。

皇帝詣

上帝位前立。贊引官奏跪。

皇帝跪。奏進俎。

皇帝拱舉畢。贊引官恭導。

皇帝詣

皇地祇位前進俎。如前儀。復恭導。

皇帝詣

太祖高皇帝位前進俎。

太宗文皇帝位前進俎。如前儀。畢。贊引官奏旋位。

皇帝旋位立。樂止。典儀唱行初獻禮。協律郎唱舉初

獻樂。奏壽和之章。樂作。贊引官奏陞。

壇。

皇帝詣

上帝位前立。捧爵官跪進於

皇帝右贊引官奏跪。

皇帝跪。奏獻爵。

皇帝受爵。拱舉。授爵。獻於案上正中。興。贊引官恭導

皇帝詣

皇地祇位前立。捧爵官跪進於

皇帝左。贊引官奏跪。

皇帝跪。獻爵。如前儀。贊引官奏詣讀祝位。

皇帝詣讀祝位前立。樂止。讀祝官至祝案前。一跪三

叩頭。捧祝文跪。祇俟於案左。贊引官奏跪。傳贊官贊

衆官俱跪。

皇帝跪。王以下陪祀各官俱跪。分獻官各就

神位前跪。贊引官贊讀祝。讀祝官讀畢。捧祝文至

上帝位前。跪。安帛匣上。三叩頭。退。贊引官奏叩。興。傳贊官贊

衆官俱叩。興。樂作。

皇帝行三叩頭禮。興。王以下各官俱隨行禮。贊引官

恭導

皇帝詣

太祖高皇帝位前立。捧爵官跪進於

皇帝右。贊引官奏跪。

皇帝跪。奏獻爵。

皇帝受爵。拱舉授爵。獻於案上正中。興贊引官恭導
皇帝詣

太宗文皇帝位前立。捧爵官跪進於

皇帝左。贊引官奏跪。

皇帝跪。獻爵。如前儀。贊引官奏旋位。

皇帝旋位立。分獻官亦於各

神位前獻爵。畢復位立。樂止。

武舞生叩頭退。文舞生執羽籥引進。典儀

唱行亞獻禮。協律郎唱舉亞獻樂。奏安和之章。

樂作。贊引官奏陞

壇。

皇帝詣

上帝位前立。捧爵官跪進於

皇帝右。贊引官奏跪。

皇帝跪。奏獻爵。

皇帝受爵。拱舉授爵。獻於案上之左。贊引官恭導

皇帝詣

皇地祇位前立。捧爵官跪進於

皇帝左。贊引官奏跪。

皇帝跪。獻爵於案上之左。如前儀。贊引官恭導

皇帝詣

太祖高皇帝位前

太宗文皇帝位前。獻爵。俱如前儀。興。贊引官奏旋位。

皇帝旋位立。分獻官亦於各

神位前獻爵。畢。復位立。樂止。典儀唱行終獻禮。協律

郎唱舉終獻樂。奏永和之章。樂作。贊引官奏陞

壇。

皇帝詣

上帝位前立。捧爵官跪進於

皇帝右。贊引官奏跪。

皇帝跪。奏獻爵。

皇帝受爵拱舉。授爵。獻於案上之右。贊引官恭導

皇帝詣

皇地祇位前立。捧爵官跪進於

皇帝左。贊引官奏跪。

皇帝跪。獻爵於案上之右。如前儀。贊引官恭導

皇帝詣

太祖高皇帝位前

太宗文皇帝位前。獻爵。俱如前儀。畢。贊引官奏旋位。

皇帝旋位立。分獻官亦於各

神位前獻爵。畢。復位立。樂止。文舞生叩頭退。太常寺堂官唱

賜福胙。光祿寺捧福酒官一員。捧福胙官一員。自案上

捧起。向

正位前左旁拱舉。捧至

皇帝受福胙位。贊引官奏詣受福胙位。恭導

皇帝詣受福胙位立。捧福胙官二員。跪於

皇帝右旁祇俟。接福胙官二員。跪於

皇帝左旁祇俟。贊引官奏跪。

皇帝跪。奏飲福酒。

皇帝受爵。拱舉。授左旁接爵官。奏受胙。

皇帝受胙。拱舉。授左旁接胙官。俱退。贊引官奏叩。興。

皇帝行三叩頭禮。興。各官俱不叩。奏旋立。

皇帝旋位立。贊引官奏跪。叩。興。傳贊官贊衆官俱跪。叩。興。

皇帝行三跪九叩頭禮。興。王以下各官俱隨行禮。興。

典儀唱徹饌。協律郎唱舉徹饌樂。奏協和之章。

樂作。捧玉官至

上帝位前

皇地祇位前。各一跪三叩頭。捧玉退。樂止。典儀唱送

帝神。協律郎唱舉送

帝神樂。奏泰和之章。樂作。贊引官奏跪。叩。興。傳贊官贊衆官俱跪。

叩。興。

皇帝行三跪九叩頭禮。與王以下各官俱隨行禮。與

樂止。典儀唱捧祝帛。香饌。恭詣燎瘞位。

皇帝轉立拜位東旁。捧祝帛。官各詣位前。一跪三叩

頭。捧起。捧香饌。官跪捧香饌。不叩。次第詣燎瘞

位。

皇帝還位立。典儀唱望燎瘞。協律郎唱舉望燎瘞樂。

奏清和之章。樂作。贊引官奏詣望燎瘞位。恭導

皇帝詣望燎瘞位立。燎半。贊引官奏禮畢。樂止。恭導

皇帝由

大享東旁門出。陞輿。鹵簿大駕全設。作樂。回

宮。王以下。公以上。俱隨後行。各官俱退。

一。祭畢。禮部。太常寺官。請各

神牌。送至

皇乾殿安設。上香。跪叩。如常儀。

一。祭日。太常寺官徹齋戒牌。銅人送庫收貯。如

常儀。

康熙元年以來。

大享殿合祀。未經舉行。右據順治間儀注開載。故

配位唯

太祖高皇帝

太宗文皇帝。協律郎唱贊。樂章和字。未改平字。

祝文

維順治 年 月 日

嗣天子 臣 敢昭告於

皇天上帝

后土皇地祇曰。

覆載宏恩。生成萬彙。

郊壇禋祀。合薦馨香。特展悃誠。用申虔報。謹率臣工。以

玉帛犧齊粢盛庶品。恭祀於

大享殿。具茲燎瘞。

神祇諸壇。各以類從。奉

太祖承天廣運聖德神功肇紀立極仁孝武皇帝

太宗應天興國弘德彰武寬溫仁聖睿孝文皇帝配。尚
饗。

樂章

迎

帝神樂。奏元和之章。

乾元資始兮。仰載元功。 坤厚載物兮。率履攸同。

亭毒萬彙兮。昭明有融。 陰肅陽舒兮。協氣流通。

晝夜遞禪兮。二曜在中。 羣靈畢萃兮。陟降景從。

大德普存兮。化著清寧。 臣思報本兮。蠲潔粢盛。

延佇雲駕兮。屏息臣躬。 馨香祇薦兮。爰殫微誠。

瞻望歆格兮。瑞色瞳矐。至止壇壝兮。式慰欽崇。

奠玉帛樂。奏景和之章。

俯仰覆載兮。殿萬邦。展儀備物兮。舉舊章。

良璧在陳兮。介豆觴。束帛粦粦兮。忱可將。

對越冥漠兮。念徬徨。臣虔齋明兮。効趨踰。

降鑒無方兮。悅而康。願錫嘉祉兮。慶未央。

進俎樂。奏肅和之章。

和風暢兮。神格思。洽百靈兮。誠無移。

潔豆登兮。答洪慈。馨芬達兮。雜蒞施。

臣仰祈兮。福履綏。房產芝兮。喬雲垂。

祝史列兮。敬陳詞。形聲穆兮。鑒在茲。

初獻樂。奏壽和之章。

威光燁煜。肅肅靈旗。

壺觴肇啓。用介神禧。

普洽和樂。罄無不宜。

鏗鉤迭奏。克叶埴篴。

駿奔翼翼。進反有儀。

臣薦清酌。眷佑弗違。

亞獻樂。奏安和之章。

齋心夙夜。祈答碧虛。

洋洋在上。

載酌清醑。

苾芬式享。

秩秩于于。

千戚在舞。

張弛靡踰。

彌歆元旨。

臣蓋方舒。

永言迓惠。

戩穀錫餘。

終獻樂。奏永和之章。

餽核既旅。

八音克諧。

罇罍未罄。

慈惠靡涯。

肅將三祝。

黃流在臺。

菁茅既潔。

裸獻徘徊。

願言醉止。

庶展臣懷。

於皇錫祉。

景福方來。

徹饌樂。奏協和之章。

百福既洽兮。羞明神。

蘋藻可將兮。臣悃伸。

雲輶欲駕兮。彌逡巡。

几筵敬徹兮。不再陳。

送

帝神樂。奏泰和之章。

敬酬高厚兮。肅秩靈壇。

居歆幸孚兮。進止克嫻。

羣神偕從兮。馭鶴驂鸞。

清風穆穆兮。旌旆生寒。

遙開閭闔兮。雲路漫漫。

六龍前駕兮。劔佩珊珊。

百辟相事兮。卿士戒班。臣心益虔兮。竚立盤桓。

式禮莫愆兮。餘忱未殫。惠及黎庶兮。四宇騰歡。

萬物咸若兮。遐邇乂安。綿綿衍慶兮。永奠如磐。

望燎瘞樂。奏清和之章。

祥光杳靄兮。滿雲端。霓旌揚兮。言還。

虔蕭蒨兮。祈上達。百執旅進兮。環列紫垣。

臣仰止兮。彌切。束躬翹首兮。望元關。

天休滋至兮。欽承罔斁。知神永覆兮。濺澤寬。

大清會典卷之八十一

禮部祠祭司

大清會典卷之八十二

郊祀四

朝日壇

順治八年。題准。

大明之神。從祀。

天壇外更立

朝日壇於東郊。在朝陽門外。其制一成。每年於春分日卯時致

祭。凡遇甲丙戊庚壬歲。

皇帝親詣行禮。其餘各年。遣大臣致祭。

凡禮儀。順治八年。題定遵行。惟陪祀王公。初在

大清會典 卷八十二
午門內金水橋候

駕出隨行。後先至

壇候

駕。其禮部職掌。後有改歸太常寺者。俱與

園丘同。註詳

園丘。

一。

皇帝親祭之年。或親詣行禮。或遣官恭代。太常寺題請。

一。前期三日。太常寺題請進齋戒牌銅人。

一。前期二日。太常寺官進齋戒牌銅人。

皇帝致齋二日。王以下陪祀文武各官。俱在本家齋

戒二日。

一。前期二日。內閣撰寫祝文。恭填

御名。是日。太常寺奏請

視祝文。並派讀祝官。

視祝版儀另載。

一。前期一日。禮部。都察院。太常寺。光祿寺官。俱

朝服。上香。監宰牲。並瘞毛血。

一。

正壇安設。

大明神牌。在

壇上正中。西向。大紅幄次。

一。

壇前陳設。

赤璋一

禮神制帛一紅色。

牛一

羊一

豕一

登一

皇帝劍二

簋二

簋一

籩十

豆十

玉爵三

紅磁酒盞三十

酒罇一

一。正祭日早。太常寺官至

神庫。於

神位前。上香。一跪三叩頭。恭捧

神牌。至

壇上安設。一跪三叩頭。退。

一。正祭日早。太常寺官至

神庫祝文案前。一跪三叩頭。捧祝文至

壇案上安設。一跪三叩頭。退。

一。正祭日。

皇帝親詣行禮。不陪祀王以下各官。在

午門外分翼排列。

皇帝乘輦出。鹵簿大駕全設。

午門鳴鍾。不作樂。不陪祀王以下各官。俱跪送。陪

祀王以下各官。預於

壇前櫺星門外兩旁排列。祇俟

皇帝至

壇前鋪棕薦處。降輦。大常寺贊引官對引官恭導

皇帝入北天門之中門。至更衣幄次。盥手畢。恭導

皇帝入櫺星左門。陞

壇。至黃幄次拜位前立。鴻臚寺官引王以下。公以上。

在階下立。陪祀各官。在櫺星門外排立。典儀唱

樂舞生就位。執事官各司其事。武舞生執贊引

官奏就位。

皇帝詣拜位立。典儀唱迎

神。協律郎唱舉迎

神樂。奏寅曦之章。樂作。贊引官奏跪。叩。傳贊官贊

興。叩。

皇帝行三跪九叩頭禮。興。王以下及陪祀各官俱隨

行禮。樂止。典儀唱奠玉帛。協律郎唱舉奠玉帛。樂奏朝曦之章。樂作。贊引官奏陞

壇。恭導

皇帝詣香案前立。司香官捧香盒跪進於

皇帝右。贊引官奏跪。

皇帝跪。奏上香。

皇帝舉炷香上爐內。又三上瓣香。畢。興。贊引官恭導

皇帝至奠玉帛案前立。捧玉帛官捧玉帛跪進於

皇帝右。贊引官奏奠玉帛。

皇帝受玉帛。拱舉。立獻。畢。贊引官奏旋位。

皇帝旋位立。樂止。典儀唱行初獻禮。協律郎唱舉初

獻樂。奏清曦之章。樂作。贊引官奏陞

壇。恭導

皇帝詣

神位前立。執爵官捧爵跪進於

皇帝右。贊引官奏獻爵。

皇帝受爵。拱舉。立獻。畢。贊引官奏旋位。

皇帝旋位立。讀祝官至祝案前。一跪三叩頭。捧祝版

跪俟於左。樂止。贊引官奏跪。

傳贊官贊衆官俱跪。

皇帝跪。王以下各官俱跪。典儀唱讀祝。讀祝官跪讀

畢。捧祝版跪。安帛匣內。三叩頭。退。樂作。贊引官奏叩。興。傳贊官贊衆官俱叩。興。

皇帝行三叩頭禮。興。王以下各官俱隨行禮。畢。樂止。

武舞生叩頭退。文舞生執羽籥引進。典儀唱行亞獻禮。協律郎唱

舉亞獻樂。奏咸曦之章。樂作。贊引官奏陞

壇。恭導

皇帝陞

壇。獻爵。如初獻儀。畢。贊引官奏旋位。

皇帝旋位立。樂止。典儀唱行終獻禮。協律郎唱舉終

獻樂。奏純曦之章。樂作。贊引官奏陞

壇。恭導

皇帝陞

壇。獻爵。如亞獻儀。畢。贊引官奏旋位。

皇帝旋位立。樂止。文舞生叩頭退。太常寺官唱

賜福胙。光祿寺捧爵官一員。捧胙官一員。捧福胙進

詣

神位前。拱舉。跪於

皇帝右旁。祇俟。接福胙。侍衛二員。跪於

皇帝左旁。祇俟。贊引官奏跪。

皇帝跪。奏飲福酒。

皇帝受爵。拱舉。授左旁侍衛。奏受胙。

皇帝受胙。拱舉。授左旁侍衛。各退。贊引官奏叩。興。

皇帝行三叩頭禮。興。王以下各官不隨叩。行謝福胙禮。贊引官

奏跪。叩。興。傳贊官贊衆官俱跪。叩。興。

皇帝行二跪六叩頭禮。興。王以下各官俱隨行禮。畢。

典儀唱徹饌。協律郎唱舉徹饌樂。奏延曦之章。

樂作。捧玉官至案前。一跪一叩頭。捧赤璋退。樂

止。典儀唱送

神。協律郎唱舉送

神樂。奏歸曦之章。樂作。贊引官奏跪。叩。興。傳贊官贊衆官俱跪。

叩。興。

皇帝行三跪九叩頭禮。興。王以下各官俱隨行禮。畢。

樂止。典儀唱捧祝。帛香。饌。恭送燎位。贊引官恭

導

皇帝轉立拜位東旁。捧祝。帛。官。詣案前。一跪三叩頭。

捧起。捧香。饌。官。跪捧。不叩。依次由中路送至燎

爐。

皇帝還位立。樂作。祝。帛。焚半。贊引官贊禮畢。贊引官

對引官恭導

皇帝出櫺星左門。各官在兩旁排立。王以下。公以上。

俱隨後出。

皇帝至北天門外。陞輦作樂。回宮。其不陪祀王以下

各官仍於

午門外排班跪迎。如常儀。

一。祭畢。太常寺官捧請

神牌奉安

神庫。上香。跪叩。如常儀。

一。祭日。太常寺官徹回齋戒牌。銅人送庫收貯。

如常儀。

一。遣官恭代。從北天門左門入櫺星門。右門在

壇階下行禮。從右階陞降。讀祝時。承祭官至

壇上跪。不行飲福受胙禮。王以下。公以上。不齋戒。各

官照常齋戒。

祝文

維 年歲次 月 日

嗣天子

謹告於

大明之神。惟

神陽精之宗。列神之首。

神光下照。四極無遺。功垂今昔。率土仰賴。茲當仲春。

式遵古典。謹以玉帛牲醴之儀。恭祀於

神。伏惟

鑒歆。賜福黎庶。尚

饗。

樂章

迎

神樂。奏寅曦之章。

於昭兮旭輪。

浴虞淵兮初升。

春已融兮交泰。

循典禮兮惟馨。

炳蕭艾兮祇肅。

神其聽兮和平。

奠玉帛樂。奏朝曦之章。

神來格兮太乙東。

統萬國兮玉帛同。

肅將享兮承筐篚。

盥以薦兮字有顛。

初獻樂。奏清曦之章。

御景風兮神式臨。

酌清醑兮椒其馨。

爵方舉兮歌且舞。

憑龍勺兮吹鳳笙。

亞獻樂。奏咸曦之章。

再舉奠兮鬱金香。

嘉樂合兮舞洋洋。

神飲食兮意徜徉。

容貌舒兮和以康。

終獻樂。奏純曦之章。

式禮未竭兮還升。

終以告虔兮醑醕。

願神且留兮鑒茹。以侑以勸兮至誠。

徹饌樂奏延曦之章。

儀既成兮物已饗。神欲起兮運靈爽。

微不敢遲兮慎趨踰。照臨下土兮常朗朗。

送

神樂奏歸曦之章。

雲車征兮風馬翔。馳驅千仞兮臨萬方。

再拜手兮稱送。神振轡兮當陽。

中天麗兮微隱。普天戴兮恩光。

敷和煦兮成物。錫萬寶兮永康。

報神功兮時享。

祈神佑兮悠久無疆。

朝

日


壇

總

圖

天清會典卷之八十二

十一




朝日壇祭祀圖

大清會典卷八十二

禮部二十六

士







朝日壇陳設圖

大清會典卷八十二

禮部二十六

十三

正位西向



大清會典卷八十二

禮部二十六

十三

夕月壇

順治八年題准。

夜明之神從祀

天壇外更立

夕月壇於西郊。

在阜成門外。其制一成。

每年於秋分日酉時致

祭以

星辰配。凡遇丑辰未戌年。

皇帝親詣行禮。其餘各年遣大臣致祭。

凡禮儀順治八年題定遵行。惟陪祀王公初在

午門內金水橋候

駕出隨行。後先至

壇候

駕。其禮部職掌。後有改歸太常寺者。俱與

園丘同。註詳

園丘。

皇帝親祭之年。或親詣行禮。或遣官恭代。

從壇。遣官分獻。太常寺題請。

一。前期三日。太常寺題請進齋戒牌銅人。

一。前期二日。太常寺官進齋戒牌銅人。

皇帝致齋二日。王以下陪祀文武各官。俱在本家齋

戒二日。

一。前期二日。內閣撰寫祝文。恭填

御名。是日。太常寺奏請

視祝文。并派讀祝官。

視祝版儀另載。

一。前期一日。禮部都察院。太常寺。光祿寺官。俱朝服。上香。監宰牲。并瘞毛血。

正壇安設。

夜明神牌在

壇上正中東向。月白幄次。

從壇安設。

北斗七星之神位。

木火土金水星之神位。

二十八宿之神位。

周天星辰之神位。共為一壇。在

正壇之左。位北。南向。月白幄次。

正壇陳設。

白玉

禮神制帛一。白

牛一

羊一

豕一

登一

鉶二

簋二

簋一

籩十

豆十

金爵三

白磁酒盞三十

酒樽一

一。

從壇陳設。

禮神制帛十一 白色七。青。紅。元。黃色各一。

牛一 羊一

豕一 登一

鉶二 簠二

簋二 簋十

豆十 白磁爵三

白磁酒盞三十

一。正祭日早。太常寺官。至

神庫內。捧請各

神牌。并祝文。奉安

壇內。如常儀。

一。正祭日。

皇帝親詣行禮。不陪祀王以下各官。在

午門外分翼排立。

皇帝乘輦出。鹵簿大駕全設。

午門鳴鍾。不作樂。不陪祀王以下各官。俱跪送。陪

祀王以下各官。預於

壇前櫺星門外兩旁排列祇俟。

皇帝至

壇前鋪棕薦處降輦。太常寺贊引官。對引官。恭導

大清會典 卷八十二
皇帝入北天門之中門。至更衣幄次。盥手畢。恭導
皇帝入櫺星左門。陞

壇。至黃幄次。拜位前立。鴻臚寺官引王以下。公以上。

在階下立。陪祀各官。在櫺星門外排班立。典儀

唱樂舞生就位。執事官各司其事。武舞生執贊
干戚引進。

引官奏就位。

皇帝就拜位立。典儀唱迎

神。協律郎唱舉迎

神樂。奏迎光之章。樂作。贊引官奏跪。叩。興。傳贊官贊
衆官俱跪。

興。叩。

皇帝行二跪六叩頭禮。興。王以下及陪祀各官俱隨

行禮。樂止。典儀唱奠玉帛。行初獻禮。協律郎唱

舉初獻樂。奏升光之章。樂作。贊引官奏陞

壇。恭導

皇帝詣香案前立。司香官捧香盒。跪進於

皇帝右。贊引官奏跪。

皇帝跪。奏上香。

皇帝舉炷。香上爐內。又三上。瓣香畢。興。贊引官恭導

皇帝至奠玉帛案前立。捧玉帛官捧玉帛。跪進於

皇帝右。贊引官奏奠玉帛。

皇帝受玉帛。拱舉立獻。畢。贊引官恭導。

皇帝至獻爵案前立。捧爵官捧爵跪進於

皇帝左。贊引官奏獻爵。

皇帝受爵。拱舉立獻。畢。贊引官奏旋位。

皇帝旋位立。其

從壇分獻官亦陞

壇。上香奠帛爵。如

正壇禮。畢。亦復位立。讀祝官至祝案前。一跪三叩頭。

捧祝版跪。俟於左。樂止。贊引官奏跪。傳贊官贊衆官俱跪。

皇帝跪。王以下及陪祀各官俱跪。典儀唱讀祝。讀祝

官跪讀畢。捧祝版跪。安帛匣內。三叩頭。退。樂作。

贊引官奏叩。興。傳贊官贊衆官俱叩。興。

皇帝行三叩頭禮。興。王以下各官俱隨行禮。畢。樂止。

武舞生叩頭退。文舞生執羽籥引進。典儀唱行亞獻禮。協律郎唱

舉亞獻樂。奏瑤光之章。樂作。贊引官奏陞

壇恭導

皇帝陞

壇。獻爵如初獻儀。畢。贊引官奏旋位。

皇帝旋位立。

從壇分獻官亦陞

壇獻爵畢各復位立樂止典儀唱行終獻禮協律

郎唱舉終獻樂奏瑞光之章樂作贊引官奏陞

壇恭導

皇帝陞

壇獻爵如亞獻儀畢贊引官奏旋位

皇帝旋位立

從壇分獻官亦陞

壇獻爵畢各復位立樂止

文舞生叩頭退

太常寺官唱

賜福胙光祿寺捧爵官一員捧胙官一員捧福胙進

詣

神位前拱舉跪於

皇帝右旁祇俟接福胙侍衛二員跪於

皇帝左旁祇俟贊引官奏跪

皇帝跪奏飲福酒

皇帝受爵拱舉授左旁侍衛奏受胙

皇帝受胙拱舉授左旁侍衛各退贊引官奏叩興

皇帝行三叩頭禮興

王以下各官不隨叩

行謝福胙禮贊引官

奏跪叩興

傳贊官贊衆官俱跪叩興

皇帝行二跪六叩頭禮興王以下各官俱隨行禮畢

典儀唱徹饌協律郎唱舉徹饌樂奏涵光之章

大清會典 卷八十二
樂作。捧玉官至案前。一跪一叩頭。捧白玉退。樂止。典儀唱送。

神。協律郎唱舉送。

神樂。奏保光之章。樂作。贊引官奏跪。叩。興。傳贊官贊衆官俱跪。

叩。興。

皇帝行二跪六叩頭禮。興。王以下各官俱隨行禮。畢。

樂止。典儀唱捧祝。帛。香。饌。各恭詣燎位。贊引官

恭導。

皇帝轉立拜位東旁。捧祝。帛。官詣案前。一跪三叩頭。

捧起。捧香。饌。官跪捧。不叩。依次由中路送至燎

爐。

皇帝還位立。樂作。祝。帛。焚半。贊引官奏禮畢。贊引官

對引官恭導。

皇帝出櫺星左門。各官在兩旁排立。王以下。公以上。

俱隨後出。

皇帝至北天門外。陞輦。作樂。回宮。其不陪祀王以下

各官。仍於

午門外排班跪迎。如常儀。

一。祭畢。太常寺官捧請各

神牌。奉安。

神庫。上香。跪叩。如常儀。

一。祭日。太常寺官徹回齋戒牌銅人送庫收貯。如常儀。

一。遣官恭代。行禮與

朝日壇同。

祝文

維

年歲次

月

日

嗣天子

謹祭於

夜明之神。惟

神配陽之德。鍾陰之精。周環九野。普照萬方。繼明於

夕。天下共賴。茲當仲秋。式遵古典。謹以玉帛牲

醴庶品之儀。致祭。惟

神歆鑒。福我兆民。尚

饗。

樂章

迎

神樂。奏迎光之章。

猗與太陰兮。御望舒。式遵九道兮。遊清虛。

駕冰輪兮。行西陸。今之夕兮。來享予。

奠玉帛初獻樂。奏升光之章。

有來雍雍。幣帛在陳。

琮璜以嘉。明德惟馨。

式舉黃流兮。挹犧尊。籩豆靜嘉兮。肴核芬。

亞獻樂。奏瑤光之章。

二齊載升。維以告虔。

歌管鏗鏗。奉神之懽。

荷亘古兮麗天。挹清光兮几筵。

終獻樂。奏瑞光之章。

一敬畢申。三舉願酬。

誠信潔齊。天下有道。

鼓鍾簡兮。聲容並茂。

象大德兮。厥光皓皓。

徹饌樂。奏涵光之章。

其香既歆。對越告成。

徹爾登豆。敬用駿奔。

神悅懌兮。意欣欣。予翼慎兮。安以寧。

送

神樂。奏保光之章。

駕彩霞兮。驂景星。御和風兮。躡慶雲。

神欲起兮。不再停。瞻天衢兮。拜雲程。

影蹠躑兮光澄清。

饗予誠兮意慇懃。

予所祝兮世太平。

偃武修文兮萬世長春。

設

惟神對兮意淵淵。

予冀對兮安以寧。

惟神在茲。

惟用錫祿。

其香冽兮。

惟茲吉報。

惟神樂兮。


樂太神兮。

惟光顯兮。

道融漸兮。

惟容進兮。

夕月壇總圖



夕月壇祭祀圖






大清會典卷八十一
禮部二十六
三

夕月壇陳設圖一

大清會典卷八十二 禮部二十六

二十五

正位東向




夕月壇陳設圖二

大清會典卷八十二

禮部二十六

三

從位南向



大清會典卷之八十一

大清會典卷八十二

禮部二十六

三

文政三

